



HARDANGER OG VOSS MUSEUM
Avd Hardanger Fartøyvernsenter
Postboks 53
5778 UTNE

Dato: 18.12.2017
Vår ref.: 2017/3764-61
Saksbehandlar: Bjørg Larsen
Dykkar ref.:

Att. Heidi Richardson

Tilskot til kulturbygg med regionale funksjonar over Hordaland fylkeskommune sitt kulturbudsjett 2018

Fylkestinget vedtok årsbudsjettet for 2018 i møte 12.12.2017, sak 105/17 og har tildelt Hardanger Fartøyvernsenter eit tilskot for 2018 på

kr 700 000,-

FØRESETNADER FOR TILSKOTET:

- Til grunn for tilskotet ligg dykkar søknad. Eventuelle vesentlege endringar skal meldast til Kultur- og idrettsavdelinga.
- Den regionale kulturplanen er styrande for tildelingar.
- Det skal sendast inn rapport for tilskotet slik det vert omtala nærare i dette brevet.
- Det er ein føresetnad for tildelinga at krav til god økonomiforvaltning, kontroll og rapportering vert følgd.
- Fylkeskommunen og fylket sin revisor skal ha høve til å setja i verk kontroll med at midlane vert forvalta som føreset. Fylkeskommunen og fylket sin revisor skal ha rett til dei dokument og opplysningar ein finn påkravd for sin kontroll.
- Gjennom aktivitetar, informasjonsmateriale m.m skal det synleggjerast at Hordaland fylkeskommune er tilskotgjevar. For bruk av fylkesvåpenet gå inn på nettsida <http://www.hordaland.no/Om-fylkeskommunen/Profilhandbok/Logo/>. Sjekk at de brukar Hordaland fylkeskommune sin gjeldande logo, og på rett måte.
- Det er ein føresetnad at tilskotsmottakarar som har opne, publikumsretta aktivitetar aksepterer og nyttar ordninga med følgjekort for funksjonshemma. Funksjonshemma som kjøper billett skal ha rett til gratis billett til sitt følgje.
- Vi gjer merksam på at dersom verksemda mottar meir enn 50 % av inntektene frå det offentlege, vert verksemda omfatta av "lov om offentlige anskaffelser".

GENERELLE RETNINGSLINER FOR UT BETALING AV LØYVD TILSKOT:

- Det kan søkjast om delutbetaling etter framdrift og likviditetsbehov. Søknad om delutbetaling må innehalde ein statusrapport om framdrift av arbeidet.
- Løyvd tilskot skal i hovudsak nyttast i tildelingsåret. Tilskot som ikkje vert teke ut innan 2 år etter at tilsegn er gjeve, det vil seie datoen på tilsegnsbrevet, vert inndrege.
- Sluttutbetaling skjer etter at sluttrapport, ferdigattest og revidert rekneskap er sendt inn. Inntil revidert rekneskap og sluttrapport ligg føre, skal Hordaland fylkeskommune halde attende minst 25% av tilskotet.

- Sluttrapport må vise at anlegget er fullført i samsvar med godkjende planar.
- Fylkeskommunen og fylkeskommunen sin revisor har til ei kvar tid rett til å kontrollera at midlane vert forvalta i samsvar med vilkåra i tilsegna. Tilskotsmottakar pliktar å gje fylkeskommunen og fylkeskommunen sin revisor dei opplysningane dei finn påkravd for sin kontroll.

KLAGE

Det er ikkje klagerett på budsjettvedtak.

SØKNAD FOR 2019

Søknad om tilskot til kulturbygg med regionale funksjonar for år 2019 skal sendast Kultur- og idrettsavdelinga innan 1. mai 2018. Hordaland fylkeskommune nyttar elektronisk søknads/registreringsskjema som vil bli tilgjengeleg frå 1. februar på <http://www.hordaland.no/nn-NO/kultur/kunst--og-kulturutvikling> Alle søkjarar må nytta denne portalen.

Søknaden vert handsama i budsjett 2019. Eit tilskot til kulturbygg med regionale funksjonar over fylkeskommunen sitt kulturbudsjett er ein eigen post i det årleg vedtekte totalbudsjettet. Ein søknad om støtte vert difor ein del av den totale budsjettprosessen. Fylkesrådmannen legg fram sitt budsjettforslag i slutten av oktober, som vert offentleggjort/gjort tilgjengeleg på våre nettsider. Frå oktober går budsjettarbeidet føre seg i dei politiske organa. Endeleg budsjettvedtak vert gjort av Fylkestinget i desember. Vedteke budsjett vert også lagt tilgjengeleg på nettsidene våre.

REGIONAL KULTURPLAN

Premiss: Kultur Regional kulturplan for Hordaland 2015-2025 legg føreseielege rammer for regionale satsingar innan museum og kulturminnevern, arkiv, kunstproduksjon og kunstformidling, bibliotek, fysisk aktivitet, idrett og friluftsliv i åra fram mot 2025. Fylkeskommunen har ei regional utviklarrolle med eit særleg ansvar for å sjå dei ulike ressursane i samanheng. For å nå målet om Hordaland som leiande kulturregion inneber dette mellom anna at kultur skal vere integrert i utviklinga av alle samfunnsområde, med kvalitet i både tradisjonar og nyskaping. Handlingsprogrammet for 2015-2018, sist handsama i Fylkestinget 13.12.16, - PS 156/16, inneheld dei tiltaka som skal bidra til å nå målsetjingane i kulturplanen. Føresetnad for det regionale driftstilskotet er at verksemda set seg inn i innhaldet i regional kulturplan og arbeider i høve dei målsetjingar og tiltak som den gir for det aktuelle feltet.

Fokus på barn og ungdom er ei gjennomgåande satsing i kulturplanen. Hordland fylkeskommune oppmodar difor om å legge til rette særskild for desse målgruppene.

Per Morten Ekerhovd
fylkesdirektør kultur og idrett

Brevet er godkjent elektronisk og har derfor inga underskrift.

